



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԵՆՏՐՈՆԱԿԱՆ ԲԱՆԿԻ ՆԱԽԱԳԱՀ
ՈՐՈՇՈՒՄ**

25 դեկտեմբերի 2024 թ.

թիվ 1/499 Ա

**«ԱՅԴԻ ԲԱՆԿ» ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ԱՐԺԵԿՏՐՈՆԱՅԻՆ
ՊԱՐՏԱՏՈՄՍԵՐԻ ԱՌԵՎՏՐԻ ԱԶԴԱԳԻՐԸ ԳՐԱՆՑԵԼՈՒ ՄԱՍԻՆ**

«ԱՅԴԻ ԲԱՆԿ» ՓԲԸ-ն 2024 թվականի դեկտեմբերի 24-ին Հայաստանի Հանրապետության կենտրոնական բանկ է ներկայացրել 2,253,700 (երկու միլիոն երկու հարյուր հիսուններեք հազար յոթ հարյուր) ԱՄՆ դոլար ծավալով, 22,537 (քսաներկու հազար հինգ հարյուր երեսունյոթ) հատ, 100 (հարյուր) ԱՄՆ դոլար անվանական արժեքով, 36 ամիս շրջանառելիության ժամկետով, 4,75% տարեկան արժեկտրոնային եկամտաբերությամբ, արժեկտրոնի եռամսյակային վճարմամբ արժեկտրոնային պարտատոմսերի առևտրի ազդագրի գրանցման հայտ, ինչպես նաև համապատասխան ազդագիրը և «Արժեթղթերի շուկայի մասին» Հայաստանի Հանրապետության օրենքով և Հայաստանի Հանրապետության կենտրոնական բանկի խորհրդի 2008 թվականի մարտի 11-ի թիվ 68Ն որոշմամբ հաստատված «Ազդագիր և հաշվետու թողարկողների հաշվետվություններ» կանոնակարգ 4/04-ով ազդագրի (առևտրի ազդագրի) գրանցման համար պահանջվող բոլոր փաստաթղթերը:

Ելնելով վերոգրյալից և հիմք ընդունելով «Հայաստանի Հանրապետության կենտրոնական բանկի մասին» Հայաստանի Հանրապետության օրենքի 2-րդ հոդվածի 3-րդ մասը, «Արժեթղթերի շուկայի մասին» Հայաստանի Հանրապետության օրենքի 10-րդ և 119-րդ հոդվածները, Հայաստանի Հանրապետության կենտրոնական բանկի լիցենզավորման և վերահսկողության կոմիտեի եզրակացությունը (2024 թվականի դեկտեմբերի 25-ի թիվ 53 արձանագրություն)՝

Ո Ր Ո Շ ՈՒ Մ Ե Մ.

1. Գրանցել «ԱՅԴԻ ԲԱՆԿ» ՓԲԸ-ի կողմից 2024 թվականի դեկտեմբերի 24-ին ներկայացված արժեկտրոնային պարտատոմսերի առևտրի ազդագիրը:
2. Սույն որոշումն ուժի մեջ է մտնում ստորագրմանը հաջորդող օրվանից:

X 

Signed by: GALSTYAN MARTIN 1405780029

ՄԱՐՏԻՆ ԳԱԼՍՏՅԱՆ